

古

今

釋

疑

古今釋疑卷之十目錄

安成

楊霖竹菴訂正

吳雲舫翁參閱

氏族

同姓名

呼名

官名異同

古今釋疑卷之十

合山方中

氏族

孔穎達曰。凡姓族異者。所以別異人也。猶萬物皆各有名。以相分別。天子賜姓賜氏。諸侯但賜氏。不得賜姓。降於天子也。故隱八年。左傳云。無駭卒。公問族於眾仲。眾仲對曰。天子建德。因生以賜姓。胙之土而命之氏。諸侯以字爲諡。因以爲族。官有世功。則有官族。

邑亦如之。以此言之。天子因諸侯先祖所生。賜之曰姓。杜預云。若舜生焉。賜姓曰嬀。封舜之後于陳。以所封之土。命爲氏。舜後姓嬀。而氏曰陳。故鄭駁異義云。炎帝姓姜。太皞之所賜也。黃帝姓姬。炎帝之所賜也。故堯賜伯夷姓曰姜。賜禹姓曰姁。賜契姓曰子。賜稷姓曰姬。著在書傳。如鄭此言。是天子賜姓也。諸侯賜卿大夫以氏。若同姓公之子。曰公子。公子之子。曰公孫。公孫之子。其親已遠。不得上連于公。故以王父

字爲氏。若適夫人之子。則以五十字。伯仲爲氏。若魯之仲孫季孫是也。若庶子。妻子。則以二十字爲氏。則展氏臧氏是也。若男姓。則以父祖官及所食之邑爲氏。以官爲氏者。則司馬司城是也。以邑爲氏者。若韓趙魏是也。凡賜氏族者。比爲卿。乃賜有大功德者。生賜以族。若叔孫得臣是也。雖公子之身。若有大功德。則以公子之字。賜以爲族。若仲遂是也。其無功德。死後乃賜族。若無駭是也。若子孫各爲卿。其君不賜族。

子孫自以王父字爲族也。氏族對之爲別。散則通也。故左傳云。問族於舉仲。下云。公命以字爲展氏。是也。其姓與氏散亦得通。故春秋有姜氏子氏。姜氏皆姓。而云氏是也。鄭樵通志畧曰。自隋唐而上。官有簿狀。家有譜系。官之選舉。必由于簿狀。家之婚姻。必由于譜系。歷代並有圖譜局。置郎令史以掌之。仍用博通古今之儒。知撰譜事。凡百官族姓之有家狀者。則上之官。爲考定詳實。藏于祕閣。副在左戶。若私書有謬。

則糾之以官籍。官籍不及。則稽之以私書。此近古之制。以繩天下。使貴有常尊。賤有等威者也。所以人尚譜系之學。家藏譜系之書。自五季以來。取士不問家世。婚姻不問閭閻。故其書散佚。而其學不傳。三代之前。姓氏分而爲二。男子稱氏。婦人稱姓。氏所以別貴賤。貴者有氏。賤者有名無氏。古之諸侯。詛辭多曰。墜命亾氏。踣其國家。以明亾氏。則與奪爵失國同。可知其爲賤也。故姓可呼爲氏。氏不可呼爲姓。姓所以別

婚姻故有同姓異姓庶姓之別。氏同姓不同者。婚姻可通。姓同氏不同者。婚姻不可通。三代之後。姓氏合而爲一。皆所以別婚姻。而以地望明貴賤。於文女生爲姓。故姓之字。多從女。如姬姜羸姁媯姑姁嫫始姁嫪之類是也。所以爲婦人之稱。如佻姬季姬孟姜叔姜之類。並稱姓也。奈何司馬長劉知幾謂周公爲姬旦。文王爲姬伯乎。三代無此語也。良由三代之後。氏合而爲一。雖知幾二良史。猶昧於此。

姓氏之學最盛于唐。而國姓無定論。林寶作元和姓
纂。而自姓不知所由來。漢有鄧氏官譜。應劭有氏族
篇。又有潁川太守聊氏萬姓譜。魏立九品。置中正。州
大中正主簿。郡中正功曹。各有簿狀。以備選舉。晉宋
齊梁因之。故晉散騎常侍賈弼。太保王弘。齊衛將軍
王儉。梁北中郎諮議叅軍知撰譜事。王僧孺之徒。各
有百家譜。徐勉又有百官譜。宋何承天撰苑。與後
魏河南官氏志。此二書尤爲姓氏家。

太宗命

諸儒撰氏族志一百卷。柳冲撰大唐姓系錄二百卷。路淳有衣冠譜。韋述有開元譜。柳芳有永泰譜。柳璨有韻畧。張九齡有韻譜。林寶有姓纂。邵思有姓解。其書雖多。大槩有三種。一種論地望。一種論聲。一種論字。論字者。則以偏旁爲主。論聲者。則以四聲爲主。論地望者。則以貴賤爲主。然貴賤升沉。何常之有。安得專主地望。以偏旁爲主者。可以爲字書。以四聲爲主者。可以爲韻書。此皆無與於姓氏。凡言姓氏者。皆本

世本公子譜二書。二書皆本左傳。然左氏所明者。因生賜姓。胙土命氏。及以字以諡。以官以邑。五者而已。今則不然。論得姓受氏者。三十二類。左氏之言隘矣。一曰。以國爲氏。二曰。以邑爲氏。天子諸侯建國。故以國爲氏。虞夏商周魯衛齊宋之類是也。卿大夫立邑。故以邑爲氏。崔盧鮑晏臧費柳楊之類是也。三曰。以鄉爲氏。四曰。以亭爲氏。封建有五等之爵。降公而爲侯。降侯而爲伯。降伯而爲子。降子而爲男。亦有五等。

之封降國侯而爲邑侯降邑侯而爲關內侯降關內侯而爲鄉侯降鄉侯而爲亭侯學者但知五等之爵而不究五等之封關內邑者溫原蘇毛甘樊祭尹之類是也但附邑類更不別著裴陸麗閭之類封于鄉者故以鄉氏糜采歐陽之類封于亭者故以亭氏五曰以地爲氏有封土者以封土命氏無封土者以地居命氏蓋不得受氏之人或有善惡顯著族類繁盛故因其所居之所而呼之則爲命氏焉居傳巖者爲

傳氏。徙嵇山者爲嵇氏。主東蒙之祀。則爲蒙氏。守喬山之冢。則爲喬氏。郚氏。因郚班食于郚門。潁氏。因考叔爲潁谷封人。東門襄仲爲東門氏。桐門右師爲桐門氏。皆此道也。隱逸之人。高傲林藪。居於祿里者。呼之爲祿里氏。居于綺里者。呼之爲綺里氏。所以爲美也。優倡之人。取媚酒食。居于社南者。呼之爲社南氏。居之社北者。呼之爲社北氏。所以爲賤也。又如介之推。燭之武。未必公氏。由國人所取信也。故特標其地。

以異於衆。凡以地命氏者。不一而定。六曰。以姓爲氏。姓之爲氏。與地之爲氏。其初一也。皆因所居而命。得賜者爲姓。不得賜者爲地。居于姚墟者。賜以姚。居于嬴濱者。賜以嬴。姬之得賜。居于姬水故也。姜之得賜。居于姜水故也。故曰。因生以賜姓。七曰。以字爲氏。八曰。以名爲氏。九曰。以次爲氏。凡諸侯之子稱公子。公子之子稱公孫。公孫之子。不可復言公孫。則以王父字爲氏。如鄭穆公之子。曰公子騂。字子駟。其子曰公

孫夏其孫曰駟帶駟乞宋桓公之子曰公子目夷字子魚其子曰公孫友其孫則曰魚莒魚石此之謂以王父字爲氏無字者則以名魯孝公之子曰公孫展其子曰公孫夷伯其孫則曰展無駭展禽鄭穆公之子曰公子豐其子曰公孫段其孫則曰豐卷豐施此諸侯之子也天子之子亦然王子狐之後爲狐氏王子朝之後爲朝氏是也無字者以名然亦有不以字而以名者如樊皮字仲文其後以皮爲氏伍員字子

有。其後以員爲氏。皆由以名行故也。亦有不以王父字爲氏。而以父字爲氏者。如公子遂之子。曰公孫歸父。字子家。其後爲子家氏是也。又如公孫枝。字子桑。其後爲子桑氏者亦是也。亦有不以王父名爲氏。而以父名爲氏者。如公子牙之子。曰公孫茲。字戴伯。其後爲茲氏是也。又如季公鉏。字子彌。其後爲公鉏氏者亦是也。以名字爲氏者不一而足。左氏但記王父字而已。以次爲氏者。長幼之次也。伯仲叔季之類是

也。次亦爲字。人生其始也。皆以長幼呼。及乎往來旣多。交親稍衆。則長幼有不勝呼。然後命字焉。長幼之序。可行于家里而已。此次與字之別也。所以魯國三家。皆以次命氏。而亦謂之字焉。良由三家同出。其始也。一家之人焉。故以長幼稱。十曰。以族爲氏。按左傳云。爲謚因以爲族。又按楚辭云。昭屈景。楚之三族也。昭氏景氏。則以謚爲族者也。屈氏者。因王子瑕食邑于屈。初不因謚。則知爲族之道多矣。不可專言謚也。

族近于次。族者氏之別也。以親別疎。以小別大。以異別同。以此別彼。孟氏仲氏。以兄弟別也。伯氏叔氏。以長少別也。丁氏癸氏。以先後別也。祖氏禰氏。以上下別也。第五氏第八氏。同居之別也。南公氏南伯氏。同稱之別也。孔氏子孔氏。旗氏子旗氏。字之別也。軒氏。軒轅氏。熊氏。熊相氏。名之別也。季氏之有季孫氏。仲氏之有仲孫氏。叔氏之有叔孫氏。噉無之別也。韓氏之有韓餘氏。傅氏之有傅餘氏。梁氏之有梁餘氏。餘

子之別也。遂人之族。分而爲四。商人之族。分而爲七。此支分之別也。齊有五王。合而爲一。謂之五王氏。楚有列宗。合而爲一。謂之列宗氏。此同條之別也。公孫歸父。字子家。襄仲之子也。歸父有二子。一以王父字襄仲。爲仲氏。一以父字子家。爲子家氏。公子郢。字子南。其後爲子南氏。而復有子郢氏。伏羲之後。有伏處二氏。同音異文。其叔段之後。有共氏。又有叔氏。又有段氏。凡此類。無非辨族。十一曰以官爲氏。十二曰以

爵爲氏。有官者以官。無官者以爵。如周公之兄弟也。周公爲太宰。康叔爲司寇。聃季爲司空。是皆有才能。可任以官者也。五叔無官。是皆無才能。不可任以官者也。然文王之子。武王周公之兄弟。雖曰無官。而未嘗無爵土。如此之類。乃氏以爵焉。以官爲氏者。太史太師司馬司空之類是也。雲氏庾氏籍氏錢氏之類亦是也。以爵爲氏者。皇王公侯是也。公乘公士不更庶長亦是也。十三曰。以凶德爲氏。十四曰。以吉德爲

氏。此不論官爵。惟以善惡顯著者爲之。以吉德爲氏者。如趙衰人愛之。如冬日。其後爲冬日氏。古有賢人。爲人所尊尚。號爲老成子。其後爲老成氏。以凶德爲氏者。如英布被黥爲黥氏。楊玄感梟首爲梟氏。齊武惡巴東王蕭子響爲同姓。故改蕭爲峭。後魏惡安樂王元鑒爲同姓。故改元爲兀。十五曰。以技爲氏。此不論行而論能。巫者之後爲巫氏。屠者之後爲屠氏。卜人之後爲卜氏。匠人之後爲匠氏。以至象龍爲氏。御

龍爲氏。干將爲氏。烏浴爲氏者。亦莫不然。十六曰。以
事爲氏。此又不論行能。但因其事而命之耳。夏后氏
遭有竄之難。后緡方娠。逃出自竇。而生少康。支孫以
竇爲氏。漢武帝時。田千秋爲丞相。以年老。詔乘小車。
出入省中。時號車丞相。其後因以車爲氏。微子乘白
馬朝周。茲白馬氏之所始也。魏初平中。有隱者常乘
青牛。號青牛先生。茲青牛氏之所始也。十七曰。以諡
爲氏。周人以諱事神。諡法所由立。生有爵。死有諡。貴

者之事也。氏乃貴稱。故諡亦可以爲氏。莊氏出于楚
莊王。僖氏出于魯僖公。康氏者。衛康叔之後也。宣氏
者。魯宣伯之後也。文氏武氏。哀氏繆氏之類。皆氏於
諡者也。凡複姓者。所以明族也。一字足以明此。不足
以明彼。故益一字。然後見分族之義。言王氏則濫矣。
本其所系而言。則有王叔氏。王孫氏。言公氏則濫矣。
本其所系而言。則有公子氏。公孫氏。故十八曰。以爵
系爲氏。唐氏雖出于唐堯。而唐孫氏又爲堯之別族。

滕氏雖出于叔繡。而滕叔氏又爲叔繡之別族。故十九曰。以國系爲氏。季友之後。傳家則稱季孫。不傳家。則去孫稱季。叔牙之後。傳家則稱叔孫。不傳家。則去孫稱叔。故二十曰。以族系爲氏。士季者字也。有士氏。又別出爲士季氏。伍參者名也。有伍氏。又別出爲伍參氏。此以名氏爲氏者也。又有如韓嬰者。本出韓國。加國以名。爲韓嬰氏。如臧會者。本出臧邑。加邑以名。爲臧會氏。如屠住者。本出住鄉。加鄉以名。爲屠住氏。

故二十一日。以名氏爲氏。而國邑鄉附焉。禹之後爲夏氏。祀他奔魯。受爵爲侯。又有夏侯氏出焉。媯姓之國爲息氏。公子邊受爵爲大夫。又有息夫氏出焉。此以國爵爲氏者也。白氏舊國也。楚人取而邑之。以其後爲白侯氏。故二十二日。以國爵爲氏。而邑爵附焉。原氏以周邑而得氏。申氏以楚邑而得氏。及乎原加伯爲原伯氏。以別于原氏。申加叔爲申叔氏。以別于甲氏。是之謂以邑系爲氏。魯有沂邑。因沂大夫相魯。

而以沂相爲氏。周有甘邑。因甘平公爲王卿士。而以甘士爲氏。故三十三曰。以邑系爲氏。而邑官附焉。師氏者。太師氏也。史氏者。太史氏也。師延之後。爲師延氏。史晁之後。爲史晁氏。此以名隸官。是之謂以官名爲氏。呂不韋爲秦相。子孫爲呂相氏。酈食其之後。爲食其氏。曾孫武爲侍中。改爲侍其氏。此以官氏爲氏者也。故二十四曰。以官名爲氏。而官氏附焉。以諡爲氏。所以別族也。邑而加諡。如苦成子之後。爲苦成氏。

臧文仲之後爲臧文氏。氏而加諡者。如楚釐子之後。爲釐子氏。鄭共叔之後。爲共叔氏。爵而加諡者。如衛成公之後。爲成公氏。楚成王之後。爲成王氏。故二十五曰。以邑諡爲氏。二十六曰。以諡氏爲氏。二十七曰。以爵諡爲氏也。按古人著複姓之書多矣。未有能明其義者也。有中國之複姓。有外國之複姓。中國之複姓。所以明族。有重複之義。二字具二義也。以中國無衍語。一言見一義。外國多侈辭。數言見一義。外國有

複姓者。侈辭也。一言不能具一義。必假數言。而後一義具焉。其於氏也。則有二字氏。有三字氏。有四字氏。其於音也。則有二合音。有三合音。有四合音。觀譯經潤文之義。則知侈辭之道焉。臣昔論中國。亦有二合之音。如夷者焉。二合爲旃。者與之與。二合爲諸侯之類是也。惟無三合四合之音。今論中國。亦有二字之氏。惟無三字四字之氏。此亦形聲之道。自然相應者也。二十八曰。代北複姓。二十九曰。關西複姓。三十曰。

諸方複姓。此皆外國二字姓也。三十一曰。代北三字姓。侯莫陳之類是也。三十二曰。代北四字姓。自無獨膊之類是也。氏族之道終焉。五帝之前無帝號。有國者不稱國。惟以名爲氏。所謂無懷氏。葛天氏。伏羲氏。燧人氏者也。至神農氏。軒轅氏。雖曰炎帝黃帝。而猶以名爲氏。然不稱國。至二帝而後。國號唐虞也。夏商因之。雖有國號。而天子世世稱名。至周而後。諱名用諡。由是氏族之道生焉。最明著者。春秋之時也。春秋

之時諸侯稱國未嘗稱氏。惟楚國之君世稱熊氏。荆蠻之道也。支庶稱氏。未嘗稱國。或適他國則稱國。如宋公子朝在衛則稱宋朝。衛公孫鞅在秦則稱衛鞅。是也。秦滅六國子孫皆爲民庶。或以國爲氏。或以姓爲氏。或以氏爲氏。姓氏之失自此始。故楚之子孫可稱楚。亦可稱芊。周之子孫可稱周。子南君亦可稱姬嘉。又如姚恢改姓爲媯。媯皓改姓爲姚。茲姓與氏。渾而爲一者也。章俊卿考索曰。禮書曰。姓非天子不可。

以賜而氏非諸侯不可以命。姓所以繫百世之正統。氏所以別子孫之傍出。族則以氏之所聚而已。然氏謂之姓。故大傳言繫之以姓。又言庶姓別于上。則氏與姓一也。氏又謂之族。故羽父爲無駭諸侯。隱公命以爲展氏。則氏族一也。蓋別姓則爲氏。氏則有族。族無不同氏。氏有不同族。故八元八凱出于高陽氏。高辛氏。而謂之十六族。是氏有不同族也。商氏條氏徐氏之類。謂之六族。陶氏施氏之類。謂之七族。宋氏華

氏之類。謂之戴族。向氏謂之桓族。是族無不同氏也。
通雅曰。百官族姓。見于堯典。司商吹律。以協名姓。故
譜牒世表。史遷記之。然蜀秦宓見帝繫之文。五帝皆
同一族。辨其不然。張說曰。古未有姓。自炎帝之姜。黃
帝之姬。始因所生地而爲姓。則康成所云炎帝姓姜。
太皞所賜黃帝姓姬。炎帝所賜。皆臆說也。隱八年無
駭卒。羽父請諡與族。公問族于衆仲。對曰。天子建德。
因生以賜姓。胙之土而命之氏。諸侯以字爲諡。因以

爲族。官有世功。則有官族。邑亦如之。公命以字爲展氏。釋例曰。別而稱之謂之氏。合而言之則曰族。例言別合者。若朱華向出戴桓公。獨舉其人。則曰華氏向氏。並指其宗。則云戴族桓族。記謂之庶姓者。以始祖爲正姓。高祖爲庶姓。庶姓亦氏族之別名也。姓則受之天子。族則稟之時君。其不賜者。各從其父之姓。族黃帝之子。兄弟異姓。周之子孫。皆姬姓者。古今不同。賜姓者亦少。惟外姓媯滿之徒。賜族者有大功德。宜

世享祀者方賜之。王朝大夫不封爲國君者。王賜之族。春秋尹氏武氏之徒。魯挾鄭宛。皆木賜族。故單稱名。其士會之帑處秦者爲劉氏。伍員之子在齊爲王孫氏。知果自別其族爲輔氏。皆身自爲之。襄十年伯輿之大夫曰平王東遷。吾七姓從王。賜之駢旄之盟。襄十一年盟亳。曰七姓十二國之祖。可知氏族一也。姓尤爲重。姓之爲言生也。氏之爲言類也。呂東萊曰。三代時曰姓者。統其祖考之所自出也。百世而不變。

曰氏者。則子孫之所自分也。數世而一變。以愚者論之。姓氏皆有別稱。通稱。豈可執漢儒之訓詁乎。如堯舜姬姓。稱陶唐氏。有虞氏。禹姒姓。有夏氏。成湯子姓。有商氏。此因國語。帝胙禹以天下。賜姓曰姒。氏曰有夏。胙四岳國。命爲侯伯。氏曰有呂。而槩稱國號爲氏耳。上古至中古。人漸繁。故以氏族分之。氏族始有定名。至周始詳。古則但爲名號。若上古之氏。則一國號也。陶唐氏。有虞氏。猶之伏羲氏。神農氏。今之稱漢家。

唐家也。因生賜姓者。立有德爲諸侯。因其所由生以賜姓。若舜由嬀汭。故陳爲嬀姓。諸侯以字諡爲族。者位不敢同天子。故氏其王父字。或卽其諡稱以爲族。元凱十六族。兄弟也。世代久而人繁族大。則族亦一姓也。又有如觀射父所稱。物賜之姓。以監其官。謂之百姓。則姓之別稱。亦猶氏也。漢去古近。凌煙博陸。稱曰霍氏。以氏代名。蓋美稱耳。此知氏亦可以爲通稱也。以左氏之說。字諡官邑才四者而已。柳芳曰。後世

或氏于國。則齊魯秦吳。于諡則文武成宣。于官則司馬司徒。于爵則主孫公孫。于次則孟孫叔孫。于字則展氏臧氏。駟氏國氏。于居則東門北郭。于志則三鳥五鹿。青牛白馬。于事則巫乙匠陶。通志則分三十二類。一切皆姓。國則有代號。廟號。士未有爵。有諡。無爵者有字有號。衆所同然。其止六例。豈不亦簡便乎。大抵三代時。姓氏分而爲二。男子稱氏。婦人稱姓。氏以別貴賤。貴者有氏。賤者有名無氏。姓所以別婚姻。故

有同姓異姓庶姓之別。三代之後。姓氏合而爲一。皆所以別婚姻。而以地望明貴賤。魏晉置中正。以門第官人。李唐論相。惟重八姓。天監士流案譜。貞觀禁約。鬻婚。抑亦末矣。至洪武四年。廢圖譜局。豈非厭其繁縟已甚乎。蓋重賢過于家世也。且自有統譜。原引粲然。未必盡當無舛也。如所氏。引伐木所所。以古有虞衡。因主伐木。遂以爲姓。此亦支矣。風俗通所姓。宋大夫華所事之後。穀梁傳隱九年。俠卒。俠者所俠也。此

與顏籀已異。朱以爲舜臣朱虎後似之。東觀記曰。其
先宋微子之後。周衰宋滅。梓陽易姓爲朱。廣韻本自
高陽。後周封于邾。爲楚滅。子孫去邑氏。朱則朱有三
說。路氏國語妘姓。陸終子求言後。別封路。廣韻唐世
系姬姓。帝摯後。封路。急就篇注。路水名。在涿郡界。居
者氏焉。此亦三說也。苟草名。所居饒之。因命氏。又云。
晉荀氏後。避難改姓。姓苑又云。黃帝後。說亦參差。今
關中。苟音苟。去聲。其實說文。荀字。从艸省。苟古文也。

麗爲高屋之名。其先殷富。好爲室屋。審引審曲面勢。當爲司空之官。則尤回穴矣。兒倪本爲一姓。郭尋又合斟尋。求卽是裘。而師古不能原。角本無角。而應麟分爲二。又何在。是正閼閭逢逢。以爲功哉。觀通志所載。移避所更。柏伯袁爰之爲一。疏棘桂痛之更變。京嵇之自取。賀師之避諱。吞之音他前。遺之音惟。賁之音肥。不之音彪。玉之音肅。能俾二姓之音耐。員慕子胥。則平聲不當音運。毋丘卽貫。則雙姓不得音無。加

之夷複沿改無常博雅者未能無漏宜矣是用裒集
列其稀僻者備遺忘可也按自子長刪世本爲世表
旁行邪上并效周譜此劉沓所引也漢溝洫志王橫
亦引周譜後漢有鄧氏官譜應劭王符皆有姓氏篇
何承天乃作姓苑吳志薛綜定五宗圖晉摯虞作族
姓昭穆記南齊賈淵祖弼之父匪之世傳譜學梁王
僧孺改定百家譜王弘百家譜王儉廣之元魏定諸
州士族自陳群九格由中正考之唐有高士廉氏族

志路敬淳衣冠譜王元感姓氏貫論柳冲大唐姓族
系錄二百卷柳芳著論甚詳作永泰新譜李利涉唐
官姓氏記韋述開元譜張九齡姓源韻譜林寶元和
姓纂八姓外凡三百五十姓宋景祐鴈門邵恩撰姓
解則分一百七十門二千五百六十八氏錢明逸撰
熙寧姓纂紹興中鄧名世有姓氏書辨証鄭樵爲氏
族略長沙丁維阜撰百族譜周益公爲之序又嘗修
姓源韻譜容齋嘗譏之鄧氏辨証黃潛嘗譏之大抵

附會耳。洪武十四年。編修吳沉。典籍劉仲質。吳伯宗。據戶部黃冊。編爲千家姓。首云朱奉天運。楚中周景。虞以韻編之成章。如千字文。因姓載歷代之人。則凌。建知萬姓統譜具矣。但無辨証耳。

同姓名

湘東王有同姓名錄其書今不存如顏回爲羗帥曾
參爲市人平原君哭墮井之毛遂漢翟公疑秋胡不
許婚是也王元美宛委餘編曰同時同姓名者兩韓
信俱高帝時一楚王一韓王三召平一故秦東陵侯
一陳王上柱國一齊相按爲陳王柱國謂爲陳勝徇
廣陵者見項籍傳齊王相見
齊哀王傳恐東陵侯卽陳封者秦自王
剪父子外少微侯矣不應有東陵侯兩王恢俱武
帝時一浩侯一大行謀誘匈奴者兩王臧武帝朝一

鄧中令。二年自殺。一六年爲太常。兩王商俱成帝外戚。一丞相樂昌侯。一大司馬成都侯。兩王章俱哀帝時。一建平三年爲右將軍。一四年爲京兆尹。直言死。兩王崇俱平帝時。一新甫侯。故丞相嘉子。一大司空扶平侯。魏兩王烈。一字彥方。化盜。一字長體。有遁術。謂嵇康不遇者。晉兩王渾。一戎父。一濟父。兩王澄。一濟弟。一戎從弟。兩孫秀。一吳降將。一趙王倫嬖臣。俱拜驃騎將軍。封公。兩周撫。一王敦將。一彭城內史。誅。

梁兩王琳。一散騎常侍。一德州刺史。唐兩李光進。俱
代宗朝。一爲光弼弟。一爲光顏兄。俱蕃將。賜姓。爲節
度封公。兩李繼昭。俱昭宗時。一爲孫德昭。一爲符道
昭。俱賜姓名。降朱梁。爲使相。宋兩王著。俱太祖時。一
以文學典制。一以書學待詔。稍先後者。吳兩慶忌。一
王僚子。一夫差將。楚兩莊躋。一莊王時大盜。一莊王
裔孫。將軍平瀆。自王者。漢兩王莽。一右將軍。見霍光
傳。崇禎時。賀無黨疏用之。兩王鳳。一爲夏始成國上
相。公不知。而擬票切責。

公兩王譚。一宜春侯。一平阿侯。兩徐幹。一作中論。

班超司馬。晉兩劉毅。一光祿大夫。一衛將軍。兩張禹。

一丞相。一太傅。俱封侯。兩解系。一見陶璜傳。一自有

傳。兩王愷。一武帝舅。一安帝時丹陽尹。兩蕭鈞。一蕭

鸞子。一蕭瑀從子。元兩伯顏。一太傅淮陽王。一大丞

相秦王兩張昌宗。一高宗初學士。一則天時兩王方

慶。一則天時相。一領尚藥奉御。若異代同者。兩王肅。

一曹魏。

兩王彥章。

一梁將。一吳統軍。

兩王溥。

一唐懿宗相。一

兩

周世宗相。

李通。

一漢一魏。

兩王孫買。

一齊一大夫。

兩徐邈。

一魏字景山。一晉字仙民。

兩張遼。

一漢一魏。

兩江革。

一漢一晉。

三李密。

一養祖母。一後魏。一隋末。又不

在此例。則胡元瑞所彙有八李祐。六李福。四李晟。李

紳。豈止兩副座頭俱李益耶。元瑞曰。三孫子。三鄒子。

世所共知。又有不得不辨者。二孔甲。一黃帝史。一仲

尼孫。俱著書名盤孟。

一載藝文志。一附孔叢子。

二牟融。一漢太尉。

一布衣。俱著書曰牟子。

一載陸藝文志。一附弘明集。中今藝文志之牟子不傳。而

弘明集牟子傳遂以釋之。牟子傳儒之牟子矣。又夏
帝名孔甲。而唐詩人有牟融。尤奇。孔叢之盤孟疑宗

文目誤。而弘明之。兩嚴遵。一君平。一子陵。皆易姓。君平

牟子。余疑爲僞。一名尊。一名允。亦見傳中。或相慕。或附會而訛。兩樊崇。俱賊帥。一赤眉。一尤來。兩李

育。俱賊將。一王郎。一公孫。宋兩李定。一彈蘇子美。一彈子瞻。

李定。劾蘇舜欽。見朱子語錄。兩韓文公。一昌黎。一南唐熙載。兩少

室山人。一李奎。一李渤。兩呂東萊。祖居仁。孫伯恭。兩石林居

士。一吳縣人。位執政。見宋史。一松江人。官至尚書。見一統志。皆名夢得。徙湖州。陸文裕外集載之。此亦

漢之兩杜。子夏也。兩李商隱。一玄宗朝。見舊唐書。一義山。兩李抱真。一抱玉弟。

威寮屬。兩李克寧。一李匡。一克用弟。兩李伯禽。一太白子。一見通幽記。

通雅曰。此類甚多。如史記兩淳于髡。一見孟子後。一見滑稽。三國志兩王雙。蜀斬王雙。而吳亦斬其將王雙。必二人也。貞白刀劍錄。有王雙與曹真換刀。王胡皆未載。然胡所編爲功亦夥。洪洲全搜。依然有漏。若再得一讀全史。固當爲通編之。廣記小說。尚不足採。向知甬東余寅。有同姓名錄。萬曆間書。當覓之。郎仁寶七修類稿。言漢高帝有謁者貢禹。武帝時王褒。朱買臣。元帝時有尚書左僕射王褒。武昌太守朱買臣。

余又按梁元帝遣朱買臣。則又一買臣也。嘗以楊何

弟子之京房。

宣帝時。

公孫康所遣之張敞。

在度傳。

最易混

目近見人論賈充之父通經漢臘之人非調。則以兩

賈逵兩陳咸爲一矣。

逵一漢人。一魏人。咸相人。萬年子。一汶人。見陳寵傳。

諸公

摘辨。大有益于學者。元瑞言五王褒。而漢有三。一字

子淵。武帝時人。上得賢臣頌者。一字子登。武帝時人。

得道治王屋山。與郊祀志之王褒爲三。又後周王褒。

字子淵。唐避諱。改子浚。余按郊祀志者。卽五行志之

天帝使我居此者。以上得賢臣頌之王褒。爲武帝時則非矣。褒傳魏相奏知音趙定。龔德等。刺益州王褒。乃請子淵作中和樂章。乃徵之。此宣帝時人。元瑞又言三王建。

一晚唐詩人。一唐末據蜀。一石晉隸州刺史。見唐餘紀。

而前漢表元

延元年。有廣陵太守王建。爲京兆尹。反遺之。而路史言有十餘。可見淹考一事。須暇豫強識。藏書最富。乃能勝任耳。路史曰。昔聞唐堯虞舜矣。梁史又有虞舜官丞太常。薦明堂之議。而漢更有唐堯。爲臨武長。堯

舜而可名哉。予既述祝融共工。帝魁青陽高陽。渾敦夏后啓商湯有巢。豕韋之不同矣。如劉弘王褒俱有十一。張良有九。而張敞王吉皆有八。士何相執。壽夢臣越。書才四代。載兩伯夷。而論語有兩南宮适。王羲之之仕苻健。張華之佐慕容德。皆其類也。蕭繹陸善終俱著同姓名錄。然特不能包刺。請誦其涉史曰。古有庸成氏。而黃帝臣亦曰庸成。伏羲曰蒼牙。而天雷之吏亦曰蒼牙。羲臣曰巫咸。而未又商家。帝臣曰朱

而爲唐刺濮。離婁事黃帝。則論彼商臣。張若事黃

帝。則指夫秦士。趙隱仕商國。而亟舉魏賢。馮夷友費

昌。而竟談河伯。觀叔均而思稷子。山海經。商均曰叔均。易。習朋

而思齊臣。贊風后爲軒師。禹時有風后。疑伍胥爲楚族。黃帝

臣有伍胥。謂赤松爲炎帝諸侯。王初平亦號赤松。季連爲柳惠等

伍。陸終之子爲季連。仲衍爲孟戲之弟。紂兄亦曰仲衍。孔甲

爲孔子之孫。孔子八世孫。名鮒。帝嚳之臣有窮之臣。俱曰羿。

以射名。少昊之子。魯國之士。皆曰般。以巧著。虞仲之

孫實曰虞仲。蔡昭侯申實。蔡文侯申曾孫之子也。漢趙王如意而廣宗又名之。唐義成曰琮矣。而奉天又

名之。鬱林曰恪矣。而建王又名之。此何爲耶。晉王氏

一譜有兩渾。

昶子。

兩愷。

一字茂仁。

兩綏。

愉子。

兩父。

緒父。

衍兩澄。

濟弟。

兩處仲。

敦字。

又兩安期。

湛字。

豈惟他族

含子。

慕用而無識哉。按所云兩渾兩澄之類。非矣。晉書昶

子渾。字玄冲。太原晉陽人。渾弟湛。

去聲。

字處冲。非處仲

也。王濟冲父渾。乃琅琊臨沂人。澄字平子。而王玄冲

之弟亦名澄。烏得謂太原王。琅琊王爲一族乎。其曰漢唐堯爲臨武長者亦誤。按後漢書和帝紀。舊南海獻龍眼荔枝。以臨武長唐羗上狀省之。章懷注云。羗得報。卽棄官還家。今乃以羗爲堯。注止引范志。范乃據後漢書。羅泌偶見訛本耳。且堯舜爲名甚多。不足異也。漢趙堯。趙禹。張禹。絮舜。又永光元年。大司農堯。元延元年。護軍都尉甄舜。綏和二年。執金吾謝堯。爲大鴻臚。宋制科題。有堯舜禹湯。所舉如何。乃魏相引。

尚帝時言宮中謁者趙堯舉春。李舜舉夏。倪湯舉秋。
貢禹舉冬。各職天子所服也。如此類可盡數耶。

諱名

郝京山曰。秦皇名政。發正月之聲。正言爲端言。漢高
名邦。改國爲呂雉。改野雞。文帝名恒。改常山。景帝啓
改微子。開武帝名徹。改蒯通。通侯。宣帝名詢。改孫卿。
光武名秀。改茂才。明帝名莊。改老嚴。鄭嚴。殤帝名隆。
改隆慮爲林慮。安帝名慶。改慶氏爲賀氏。吳太子名
和。改禾興爲嘉興。晉文名昭。改詔穆。明君。三國志。愍
帝名業。建業。改建康。簡文。鄭后名阿春。春秋。改陽秋。

富春改富陽。梁武名阿練。呼練爲絹。隋場名廣。廣陵爲江都。唐高祖名虎。虎賁。虎林。改武爲太宗。改世爲代。民爲人。民部爲戶部。高宗治政理。代宗名豫。豫章改鍾陵。薯預改藥。宋英宗名署。改山藥。唐德宗名适。括州改處州。宋爲太祖。匡胤。改康衡。石晉敬瑭。拆敬爲文氏。苟氏。孝元后父名禁。改禁中爲省中。劉安父名長。淮南書長改修。遷史改談爲同。李翱祖父名楚金。今皆改茲。晉世子毗。毗陵改晉陵。爲錢鏐。石榴改

金櫻。劉氏改金氏。楊行密時呼蜜爲蜂糖。賈曾以父
名至中。不拜中書舍人。李賀父名晉肅。元稹譏之。不
赴進士。柳公綽以祖諱。不拜禮部尚書。李涵爲太子
少傅。呂滑劾其不避父名。劉溫叟以父諱獄。不聽絲
竹。桓玄以王忱呼溫酒。流涕嗚咽。劉道隆索鳳毛。謝
超宗徒跣還內。宋徐積父名石。終身不用石器。遇石
不敢踐。秦漢而後諱名如此。由今論之。一名不偏諱。
徵在是也。孔安國鄭玄曰。讀書正言其音母有所諱。

故文王名昌。詩離曰。克昌厥後。書曰。使羞其行。而邦其昌。周禮曰。昌本之俎。武王名發。詩噫嘻曰。駿發爾私。商頌曰。長發。商風曰。威發成王。名誦。而崧高曰。吉甫作誦。厲王名胡。而宣王詩曰。胡不相畏。胡爲虺蜴。后稷名棄。書大誥曰。弗棄基。莊公名同。而書同盟。僖公名申。而書戊申。定公名宋。而書宋仲幾。孔子父。叔梁紇。而書臧孫紇。獻武廢二山。而具敖亦錯見左傳也。詩書不諱。臨文不諱。廟中不諱。卒哭乃諱。如子蒲。

之不當臨哭呼滅。周人不得斥言文王昌武王發耳。
履按王伯厚序四部書。猶曰景部。葛常之作韻語陽
秋。今人稱陶泉明之類。異代尚踵其諱。在所不必矣。

官名異同

官制變更最易淆亂。然考其細微因革各志自詳。蓋有名異而職同。名同而職異。前小而後大。前大而後小者。不可不辨也。如唐之同平章。宋之參知政事。猶

漢之御史大夫也。

丞相始于秦。漢因之。御史大夫。副丞相事。漢書云。薛貢韋匡。迭爲宰相。

又蕭望之謂朱雲曰。吾備位將相。蕭嘗任御史大夫。至爲將軍。通典曰。若今之同平章事。及參知機務之類。則漢之御史大夫。正唐之同平章事也。唐平章在參政之下。宋平章在參知之上。而唐之御史大夫。則與漢之御史大

大異

唐御史大夫乃漢以來御史中丞也

秦之典客漢之鴻臚猶周之

大行人也

周官大行人掌大賓客之禮象胥掌蠻夷

夷卽是官也漢改鴻臚屬官有行人

而今之鴻臚則與漢之鴻臚異

今

鴻臚乃漢之謁者掌鳴贊之事

晉以後之侍中卽爲宰相非秦漢之

侍中唐以後之僕射猶今內閣亦非秦漢之僕射

侍

秦丞相史也漢爲加官至晉則管機要

多爲宰相

之任按張華爲中書令侍中劉卞謂華曰公居阿衡

之地王敦爲大將軍侍中上表曰臣備位宰輔宋文

帝以江湛王僧綽俱爲侍中任以機密後又以殷景

仁王華王曇首劉湛爲侍中四人俱居門下而曇首

爲文帝所任與華相持華每歎息云宰相頗有數人

天下何由得治。湛常云。今代宰相何難。此可當我南陽郡漢代功曹耳。齊王儉爲侍中尚書令。常謂人曰。江左風流宰相。惟有謝安。蓋自況也。僕射秦官。漢因之。自侍中尚書博士郎皆有之。成帝時。初置尚書五人。以一人爲僕射。主封門。掌授廩假錢穀。至唐則爲宰相。故太宗謂房玄齡杜如晦曰。公爲僕射。當洞開耳目。訪求賢才。是爲宰相。洪益之道。洪武中。旣罷丞相。事歸六部。至後世。殿閣學士。遂爲真相矣。又

若兩漢之民曹。非後周之民部。漢成帝置民曹。凡吏民上書。悉經此曹理

之。後漢改主繕修功作。鹽池苑囿。後周民部。則今戶部也。魏晉之左右民尚書。非

隋唐之民部尚書。魏置左民尚書。晉置右民尚書。宋

始兼掌戶籍。隋唐民部尚書。則今之戶部也。秦漢以來之御史。非周之御

人。周官御史掌贊書而授法令。戰國時亦有御史。通
池之會。各命書其事。又淳于髡曰。御史在前。則皆
記事之職也。秦漢
乃爲糾察之任。北齊以來之光祿寺。非漢之光祿

勳。漢光祿勳乃秦郎中令。掌殿掖門戶。北齊曰光祿
寺。兼掌膳食。唐改司宰。光宅改司膳。卽今之光祿

寺也。漢之宗伯。不同于周之宗伯。漢宗伯。今之宗人也。
周之宗伯。則今禮部

唐之閣老。不同於今之閣老。唐以舍人年久者爲閣
老。今則稱殿閣大學士。

唐之三司。不同於東漢之三司。東漢太尉司徒司空。
謂之三司。鄧騭爲車

騎將軍。儀同三司。自是南北因之。唐又以鹽鐵度支
戶部爲三司。天祐三年。以朱全忠爲鹽鐵度支戶部

三司都制置。其名始于此。唐志。凡寃而無告者。
三司詰之。此謂御史大夫。中書門下。爲三司。漢之

九卿不同於三代之九卿。

夏商九卿。周六官與三少。

九棘孤卿大夫位焉。六卿三孤也。漢襲秦自丞相御史大夫外。有正卿九太常光祿勳衛尉太僕廷尉鴻臚宗正大司農少府亦曰九寺大卿。魏晉

宋齊如舊。北齊九寺唐亦因之。皆曰棘卿。中書令本

漢宦官也。至唐而爲三省。

漢武帝遊宴後庭。始以宦

者置令。魏爲中書令。又置監并掌機密。至唐則尚書

門下中書爲三省。各以其省長官爲宰相。則侍中中

書尚書樞密使。本唐宦官也。至宋而爲兩府。唐初樞

令是也。蓋手政事堂後。列五房。有樞密房。設以主曹務。乃宰

相文書之所也。宣宗以後。始設東西樞密兩院。以宦

者爲使。而樞密之任歸之。其權與宰相等矣。唐莊宗

卽位。以郭崇韜張居翰爲樞密使。始以外官爲之。而

樞密之任。親于宰相。以其與聞有密也。宋因五代之舊。以中書爲相。樞密爲將。謂之兩府。而宰相之權。重于樞密矣。如此異同。不可勝數。前小而後大者。如尚書令。

在漢爲司牘小吏。而後世則爲大臣所不敢當之官。

官。

尚書令。漢初其秩至卑。銅印青綬。主官禁文書而已。至唐則爲三省長官。高祖入長安時。太宗以秦

王爲之。後郭子儀以勳位當拜。以太宗曾爲之。辭不敢受。自後至宋。無敢拜此官者。前大而後

小者。如校尉。在漢爲兵帥要職。而後世則爲武弁所

不齒之冗秩。

漢八校尉。領禁衛諸軍。皆尊顯之官。宰相之罷政者。至爲城門校尉。又司隸校

尉。督察三輔。彈劾公卿。其權至雄尊。護羌校尉護烏桓校尉。皆領重兵。鎮方面。乃大帥之職。至宋時。校尉

副尉爲武職初階不入品從至
爲冗賤而今爲錦衣衛之班役侍郎亦前小而後大
漢侍郎則郎中滿三歲者至唐宋
門下侍郎中書侍郎皆爲宰相
檢校題舉亦前大
而後小晉有檢校御史唐嘗加檢校尚書宋治平二
年賈黯請皇子及宗室卑屬除檢校三師官
熙寧遣使提領轉運有提舉常平司又署都大提舉
麟臺故事舊有提舉官政和七年置提舉秘書省又
有提舉宮觀之名今則
檢校提舉皆爲小職
古今懸絕若斯姑舉其槩苟
不參稽互考寧止小顏誤注金吾歐公不知有秩而
已哉

古今釋疑卷之十終